


毘婆沙論

才十七

切七

三音字五

50377



阿毗曇毗婆沙論卷第十七

迦旃延子造 五百羅漢釋

北涼沙門浮陀跋摩共道泰譯

雜提度人品第三

一人此生十二支緣幾在過去幾在未來幾
在現在如是章及解章義此中應廣說優波
提舍問曰何故作此論答曰為止他義故

如毗婆闍婆提說緣起是無為法問曰彼以
何義故說緣起是無為法答曰彼依佛經佛
經說若佛出世若不出世法住法界如來成
等正覺為他顯現乃至廣說彼以是義故說
緣起法是无為為止如是說者意故緣起法
墮在出中若墮在出當知緣起法定是有為



非是無爲所以者何無有無爲法墮在世中
問曰若緣起是有爲法彼經云何通若佛出
世若不出世法住法界乃至廣說答曰應知
彼經意趣問曰彼經意趣云何答曰彼經說
因果決定義故若佛出世若不出世無明常
是行因行常是無明果如是乃至生是老死
因老死是生果如此義是彼經意趣若如汝
所解彼經意趣若佛出世若不出世地常堅
相乃至風常動相四大可是無爲法耶若佛
出世若不出世色常色相乃至識常識相如
是諸陰復是無爲法耶若佛出世若不出世
訶梨勒菓迦中伽盧醯尼藥常是苦味復是

無爲法耶如汝所說若佛出世若不出世四大諸陰訶黎勒果迦中伽盧醯尼藥等常見有爲如是緣起法若佛出世若不出世雖住法界亦應是有爲非是無爲是故爲止他義欲顯己義亦欲現法相相應義故而作此論一人此生乃至廣說彼尊者於此中欲明五種義故一者何以唯說一人二者爲說何等三人三者何以說此生四者爲說何等生五者說何現在唯說一人者欲去經文煩鬧過故若說一切衆生經文則煩欲令無煩過故唯說一人如說一人當知一切衆生亦亦爲說何等入者若人經歷十二支緣猶如登石亦

如：上梯若過去無明行起現在前能生現在
識名色六入觸受若現在愛取有起現在前
能生未來生老死者說如此人若過去無明
行起現在前能生現在識名色六入觸受若
現在愛取有不起現在前不能生未來生老
死者此中不說如此人若過去無明行乃至
能生未來生老死者此中說之如智捷度中
所說學人成就八種道迹彼中爲說何等學
人答曰若經歷諸禪三昧猶如登石亦如上
梯者先入有覺有觀定次入無覺無觀定次
入無色定出無色定入滅盡定出滅盡定起
世俗心現在前者彼中說如此人若入有覺

有觀定從彼定起乃至入滅盡定從滅盡定起無漏心現在前者彼中不說若入有覺有觀定從彼定起乃至入滅盡定從滅定起有漏心現在前彼中說之亦如經說見此姊妹形容端正彼於後時羸瘦老劣復於後時見病著牀席復於後時見其已死經一日二日乃至七日復於後時見其青色乃至骨節散壞彼中所說女人要經上尔所時事若不經上尔所時事彼中不說此中說一人者要經歷十二因緣廣說如上何以說此生者若說現在生當知說過去未來亦尔為說何等生者通此一身以生名說說何現在者說此一

生現在不說刹那現在不說時現在

一人此生十二支緣幾在過去答曰二謂無明行則止無前世所更事二在未來謂生老死則止無未來世生事以是現在識乃至有則說因果相續二是過去則止常見二是未來則止斷見以是現在則顯中道問曰過去亦有十二支緣未來亦有十二支緣現在亦有十二支緣何故說二在過去二未來八在現在耶答曰現在法以因推果以果推因現在以因推果者現在愛取有是未來生老死因生老死是其果以果推因者現在識名色六入觸受果此因是過去無明行以現在因

推果以現在果推因故而作是說此中說衆生數緣起法如波伽羅那經所說云何緣起法荅曰一切有爲法

問曰此說彼說有何差別

荅曰此說衆生數彼說衆生數非衆生數此說有根法彼說有根無根法此說有心法彼說有心無心法此說內法彼說內外法此文不了義彼文了義乃至廣說緣起法有四種一者刹那二者相續三者時四者次第此說刹那彼說相續此說時彼說次第問曰此中何以唯說衆生數緣起法耶荅曰彼尊者依佛經作論佛經中說衆生數緣起法佛經是

此論根本是故彼尊者依佛經作論問曰如是因論生論以何等故世尊經中唯說衆生數緣起法不說非衆生數答曰隨順有義是支義此支隨順有故是故唯說衆生數不說非衆生數如此經說衆生數緣起法當知餘經說有支亦說衆生數緣起法問曰緣起法緣生法有何差別答曰或有說者無有差別所以者何如波伽羅那經所說云何緣起法一切有爲法云何緣生法一切有爲法此義可尔然亦應更求差別相因是緣起果是緣生如因果事所事相所相成所成績所續生所生取所取

當知亦如是復有說者過去是緣起未來現在是緣生復有說者過去是緣起未來是緣生復有說者無明是緣起行是緣生乃至生是緣起老死是緣生復有說者無明是緣起老死是緣生餘十支是緣起緣生復有說者二在過去是緣起二在未來是緣生餘支是緣起緣生尊者富那奢說曰此中應作四句或有緣起非緣生或有緣生非緣起乃至廣作四句緣起非緣生者未來法是也緣生非緣起者過去現在阿羅漢最後死陰是也緣起緣生者除過去現在阿羅漢死五陰諸餘過去現在法是也非緣起非緣生者無為法

是也。如法身經所說諸無明決定生行不相離常相隨是名緣起。緣生若無明不決定生行或時相離不相隨是名緣生。非緣起乃至生老死亦應如是說。尊者。和須蜜說曰。因是緣起。從因生法。是緣生。復次。和合是緣起。從和合生。是緣生。復次。起所起生。所生亦如是。緣起。緣生。是謂差別。

問曰。此緣起法體性。是何。答曰。體是五陰。五陰是緣起。體是性。是我。是物。是相。

已說體性。所以今當說以何等。故名緣起法。答曰。或有說者。體性可起。待緣而起。故名緣起。復有說者。各各從異緣起。故名緣起。復有

說者等從緣生故名緣起問曰諸法或從四緣生或從三緣生二緣生云何等從緣生是緣起義耶荅曰即以是事故等從緣生是緣起義若法應從四緣生者三緣二緣則不能生從三緣生者二緣四緣則不能生從二緣生者三緣四緣則不能生以是事故等從緣生是緣起義復有說者法生時除其自體餘一切法與威勢緣以是事故等從緣生是緣起義復有說者等生是緣起義如說一切衆生心等生等任等滅復有說者一切衆生等同此緣故名緣起法問曰如此衆生或有前般涅槃者或有後般涅槃者云何等同此緣

耶荅曰前般涅槃者於緣起法前少後多後
般涅槃者於緣起法前多後少以是事故等
從因緣生是緣起義此中說時緣起法有十
二時十二支十二五陰

尊者奢摩達說曰於一刹那頃有十二支緣
若以貪心殺生彼相應愚是無明彼相應思
是行彼相應心是識起有作業必有身色起
有作業必有六入彼相應觸是觸彼相應受
是受貪即是愛彼相應纏是取彼身口作業
是有如此諸法生是生此諸法變是老此諸
法壞是死此所說可尔但此中說時緣起有
十二時十二支十二五陰不說一刹那頃也

如識身經說於前物愚故生受愚即是無明
受即是行分別前物是識與識俱生四陰是
名色與名色相隨諸根是六入六入和合是
觸觸所更是受受所樂是愛愛增廣是取能
得未來業是有增長諸陰是生諸陰變是老
陰散壞是死內熱是憂發聲哀泣是悲身心
憔悴是苦惱如身等事是大苦陰種種厄難
問曰前說此說有何差別

答曰前說是一心此說是多心前說是一刹
那後是多相續

如施設經所說去何無明過去諸結是也評
曰不應作是說若然者諸法則離自相應作

是說去何無明過去諸結時去何行過去諸
行時去何識相續心及眷屬去何名色已受
生相續未生四種色根六入未具一名歌羅
羅二阿浮陁三卑尸四伽那五波羅奢呵如
是等名曰名色去何六入已生四種色根具
足六入此諸根未能爲觸作所依是時名去
入去何爲觸此諸根已能爲觸作所依未別
苦樂不能避危害搯火觸毒把刃及諸不淨
是時名觸去何爲受能分別苦樂避諸危害
不搯火觸毒不把刃離諸不淨能生貪愛不
起婬欲於一切物不生染著是時名受去何
爲愛具上三愛是時名愛去何爲取以貪境

界故四方追求是時名取云何爲有追求之
時起身口意業是時名有云何爲生如現在
識在於未來是時名生云何老死如現在名
色六入觸受在於未來是時名老死復有說
者無明有二種有破體無明有不破體無明
緣行有二種有思有思所造行緣識有二種
有與悔俱有不與悔俱識緣名色有二種有
愛處有不愛處名色緣六入有二種有報有
長養六入緣觸有二種有對觸增語觸觸緣
受有二種有身受有心受受緣愛有二種有
婬欲愛有資生愛愛緣取有二種有從見生
有從愛生取緣有有二種有從內生有從外

生有緣生有二種有一刹那有通一身生緣
老有二種有根所見有覺慧所見老緣死有
二種有刹那死有一身死

如說無明緣行問曰以何等故但說無明緣
行不說無明因行耶答曰或有說者亦說無
明因行如摩訶尼陀那經所說佛告阿難以
如是因如是緣如是事生為老死因如生為
老死因乃至無明為行作因亦如是復有說
者若說無明因行但說因緣不說餘緣若說
無明緣行則具說四緣復有說者若說無明
因行惟說染污行若說無明緣行則說染污
不染污行問曰以何等故唯說無明緣行不

說行緣無明答曰或有說者若說行緣無明則唯說緣不說因復次此中說時緣起法前生者是無明後生者是行問曰如無明是卜二支緣何以但說無明緣行答曰或有說者應說而不說者當知此說有餘乃至廣說復有說者緣有二種有近有遠若說無明緣行則說近緣若於餘支則說遠緣是中說近不說遠如近遠此生他生當知亦是復次無明與行作緣隨順不同餘支是故說與行作緣不與餘支如說行緣識亦說名色緣識復說緣二生識此三有何差別 答曰或有說者行緣識說業差別名色緣識說識任差

別緣二生識說所依及境界差別復有說者
行緣識如初取時名色緣識如守護時緣二
生識如長養時復有說者行緣識說初相續
名色緣識說已成立緣二生識說成立已能
緣境界復有說者行緣識說行名色名色緣
識說報名色緣二生識說所依及緣境界復
有說者行緣識說惡趣識名色緣識說人及
六欲天識緣二生識說色無色界色識尊者
波奢說曰行緣識是中陰識名色緣識是生
陰識緣二生識是根本有識復有說者行緣
識名色緣識說染污識緣二生識說染污不
染污識如染污不染污隱沒不隱沒有過無

過退不退當知亦如是問曰識緣名色名色
緣識有何差別答曰識緣名色說初相續名
色緣識已相續說成立如是識緣名色說初
生名色緣識說生已守護復有說者此展轉
相緣如束葦相依而立如御者與象展轉相
依能有所至亦如船與船師展轉相依到彼岸
問曰如化生云何說緣名色答曰此說胎生
不說化生也評曰應說化生亦尔如化生者
初得諸根未猛利時說是識時後若猛利說
名色名色緣六入問曰如名色在六入內何
故言名色緣六入耶答曰如先說未得四種
色根六入未具歌羅羅阿浮陀卑尸伽那波

羅奢佉時是名名色時六入緣觸問曰此中
說六入緣觸餘處復有說名色緣觸復說緣
二生觸此三有何差別荅曰六入緣觸說所
依差別名色緣觸說所依及境界差別所以
者何一切外法和合皆依於內緣二生觸說
現在觸

復有說者六入緣觸說時觸名色緣觸即說
觸體緣二生觸說三等觸觸緣受問曰觸受
是相應共有法何故說觸緣受不說受緣觸
耶荅曰雖是相應共有法自有法與彼法有
隨順有不隨順如觸與受作緣隨順受與觸
作緣不隨順如燈雖與照俱生燈是照因照

非燈因彼亦如是如向所說此中說時緣起
法觸是前時受是後時是故說觸緣受不說
受緣觸受緣愛問曰如樂受緣愛可尔所以
者何為稱意故四方追求苦受云何與愛作
緣尊者須蜜說曰苦受與愛作緣勝於樂
受不苦不樂受其事云何如世尊說為苦受
所逼貪求樂受受樂受故為欲愛使所使復
有說者三種受盡能與愛作緣其事云何義
言曰樂受作如是說我能使生有相續衆生
以貪我故四方追求苦受作如是說我亦能
使生有相續為我所逼以貪樂故四方追求
不苦不樂受作如是說有苦樂受處我亦能

使生有相續何況第四禪已上無苦樂處而不能也復有說者三受悉能與愛作緣如識身經所說不如實知三受使生於愛問曰此三受云何與愛作緣耶荅曰愛有五種一求樂愛二不欲離樂愛三不生苦愛四速離苦愛五愚愛求樂愛者未生樂愛欲令生故生愛不欲離樂愛者已至樂受心不欲離故生愛不生苦愛者苦受未至欲令不生故生愛速離苦愛者已生苦愛欲令速滅故生愛未生不苦不樂受欲令生故生愛已生欲不失故生愛亦能生於愚愛愛緣取

問曰受緣愛取中愛此二有何差別

荅曰

初生愛名愛愛增廣名取復有說者下者名
愛上者名取復有說者若愛以愛為因是名
愛緣愛以愛為因是名為取復有說者若愛
是受果是名受緣愛若愛是愛果是名為取
復有說者若愛從受生是名受緣愛若愛從
愛生是名為取復有說者若愛能生煩惱是
名受緣愛若愛能生業是名為取問曰以何
等故前生緣起無明在初後生緣起愛在初
耶荅曰或有說者以此二結是根本使無明
是過去緣起因愛是未來緣起因復有說者
無明有六事一通五種二通六識三能起身
口業四是使性五斷善根時能作堅強方便

六是一切徧愛有五事如上所說唯非一切徧以無明有六事故在前生緣起法初以愛有五事故在後生緣起法初復有說者無明有三事故說在初一常爲元首二與一切結相應三是一切徧愛於受生法中勝故說在後緣起法初

復有說者無明有四事一緣有漏無漏二緣有爲無爲三是徧非徧四能緣自界他界愛唯緣有漏緣有爲是不徧緣自界以是事故愛能生未來苦勝故說在後緣起法初此中因事故略說後當廣說有緣生

問曰以何等故三有爲相中生獨說一支老

死共說一枝耶尊者波奢說曰佛知諸法相
餘無能過乃至廣說復有說者隨其事相故
法起時生勢用勝法滅時老死勢用勝復有
說者法起時生能使此法相續成立老死能
使不相續不成立

問曰以何等故病不立有支耶荅曰或有說
者病無支相故復有說者若一切衆生一切
時一切處有者說支病非一切衆生一切時
一切處盡有如尊者婆拘羅所說我於佛法
中出家年過八十不曾有小頭痛何況身病
如此欲界衆生不盡有身病況色無色界老
死緣憂悲苦惱


問曰憂悲苦惱爲是有支非耶答曰非也所以者何有支旣立憂悲等法壞散有支猶如霜雹是故非支

問曰如憂悲等法壞散有支猶如霜雹十二有支盡爲作緣何以唯說老死耶

答曰或有說者應作是說無明緣行乃至憂悲苦惱而不說者當知此說有餘復有說者以終顯始故復有說者老死時生大憂悲苦惱故復有說者當於尔時行惡行者生大恐怖故

問曰無明爲有因不老死爲有果不若有者云何不有十三十四支緣耶若無者云何無

明非是無因法老死非是無果法耶
答曰應作是說無明有因老死有果但不在
有支中何者是無明因謂不正念思惟何者
是老死果謂憂悲苦惱復有說者無明有因
老死有果體是有支非不在有支中是故有
支有非十三十四無明因是何謂老死老死
果是何謂無明現在愛取是過去無明現在
名色六入觸受此四若在未來名老死如說
受緣愛當知說老死緣無明十二枝緣當知
猶如輪轉



作非醕

提論反呼

字意 芳

合 而

梯 俗之

反 七 作 雜

方 迺 反

佉 焦

反 丘 悸

加 上

逼 季 音

反 彼 蕉

力 下

電 插

蒲 火

角 搜

上

反 楚

